

百
名
家
詩
選

小引

魏子曰余友田孝廉髯淵負一時月旦所論定
高言集極稱許梁簪事數五先生爲燕趙巨擘
余得讀其詩久矣東南鞅掌未得渡滹沱一訪
雲亭近旅涇州孔觀察緘示一帙細恣丹黃佩
服先生詩以厚爲主氣厚則靜意厚則實詞厚
則典浮與纖者不得托足焉近代詞壇樹赤幟
者多清越清越固靈矣一變而新剗再變而雕
鏤三變而險僻則牛鬼蛇神輩得操入室之戈

以與我爭而詩道傷矣先生獨救之以厚則
典與者居上三頌是矣古質者次之十五風二
雅是矣沉實蘊藉者又次之漢魏諸篇是矣至
近體五七言一以盛唐爲歸曰昔以之取士今
以之持世則坐進淳穆聽卿雲喜起之賡旦慕
事矣請取先生華岳咸陽江濱入棧諸篇憇以
爲鵲焉

百名家詩選

福清魏 憲惟度輯選

大城劉 樵公愚 歙縣王仕雲望如

參

曲阜孔胤樾心一 西安葉淑衍椒生

梁清寬 字敷五真定人

題靈石紅拂三義祠押紅字

落日霜林小徑通
遙看孤殿野煙中
憐才求友鬚眉事
立霸圖王貔虎風
獨羨片言諧伉儷
誰能一局定雌雄
古人遺跡真堪紀
贏得山前返

照紅

溫泉

西京近接玉華泉
策馬尋芳落照前
半畝香波澄碧沼
一簾煖氣散輕烟
松枝含露迎人翠
山色浮光對日妍
聞道貴妃曾浴此
至今懸想舊花鈿

弔貴妃墓

有小序

四首選二

貴妃之事唐史極其訕詆而後之憑弔之者
亦以舊文爲信史從而誣鑣之余獨疑天寶

間文武諸木吏在中朝者始不能格君任邊
疆者繼不能禦侮亂起范陽人心瓦解乃盡
歸咎貴妃致使陳元禮輩迫挾其君縊妃子
馬嵬佛寺當是時稍知君臣大義者寧忍出
此史官不察特欲寬諸臣之罪而遂以宮闈
賤昧之行構成穢語噫亦太甚矣余意貴妃
恃寵驕恣不能爲諱其他皆可傳疑未敢謂
爲確論也但觀太白薄平調三詞一以飛燕
相比妃子遂大啣恨則其聰慧異人豈其身

自蹈之且近于千百年後尚致褒貶令俾清
其墓田則芳魂不散幽恨未消從可知矣余
過其墓弔以絕句四章非好侈不經之談敢
于譏古人之案徒爲妃子雪耻實愼當日文
武不忠于國盡委罪後宮而史臣復忍以曲
筆醜貴妃而並及其君更爲不忠之尤者耳
洗兒遺事未爲真當日曾羞飛燕偷怪煞從前
多謗史雲衣端不染邊塵

誰令賊馬渡秦川百二山河亦播遷謀國武文

空忝竊獨教妃子不生還

入棧

雲連古棧曉寒侵嵐氣高浮盡日陰山麓結茅
聊下榻野秫釀酒暫開襟千層峭壁迷樵徑百
道飛泉冷客心莫笑王陽迂澗甚鄉思永夜不
成吟

贈李元戎

含露

名高材武久軼群草檄兼長露布文古道對人
心似雪熱腸酬世氣干雲弓彎猿臂稱殊技陣

變花門奏大勲莫謂君家遺事遠鳳城復見李

將軍

保寧書懷

驅馬王程歲漸移迢迢猶未卜歸期黃牛峽口
尋遺老青草池邊覓舊碑鴈杳無情應有恨客
愁抱病轉多思鄉關欲到渾難窵步月瞻雲夜
漏遲

謁桓侯廟

肝膽盟天地艱危義不撓丹忠爭漢魏神勇歷

孫曹霹靂軍中令，冰霜戰後袍。至今威尚烈，
馬陣雲高。

成都故宮感懷

離離細草徧荒臺，寂寞西風動客哀。
鴛瓦朱宮迷舊址，玉鈿翠靨委蒼苔。
巡簷凍雨聽如呖，極目愁雲掃不開。
把酒倚欄清潯永，挑燈無意盡餘杯。

武侯祠

西川割據祀元勲，駐節祠前拜手殷。
細草盈階

卷之二十四
叢鹿跡青松
插漢噪鳥群
當年氣貫中
原日千載名
高錦閣雲獨
怪臥龍天下
士茅廬何遽
定三分

戊申初春留別賈司馬用來韻

青門良晤經年久
幾折梅花贈故人
已見風流傳翰墨
更知功業到麒麟
交歡幕府挹南斗
並立郵亭望北辰
握手京華應有日
心期重約渭河濱

致祀華岳

信道嵯峨冠百州
遙臨仙掌望中收
徑開石壁千峯矗
氣鎖坤維萬壑稠
峻絕不容凡鳥過
翠華只許化人留
今來拜祀靈壇下
願祝蒼生大有秋

祀日卽事

盥沐天階日未暉
太華閣下檢朝衣
御香繚繞官牆煖
仙仗森嚴鼓角稀
翠栢成雲團寶蓋
碧峯懸幃護金屏
精禋已報傳休享
好靖邊烽獻頌歸

又疊前韻

初禮瑤宮望曙暉香烟高護紫霞衣風吹喬木
虬龍動殿殿飛甍麋鹿稀背枕河流通帝座面
臨雪嶽冷雲扉老聃遺樹今仍在待駕青牛探
藥歸

咸陽懷古和賈司馬韻

荒城嵐氣接高秋澹月疎雲動客愁異代興衰
同逐鹿千年勲業等浮鷗圖王猶自傳姜尚策
國誰能繼馬周渭水秦關多勝跡驅車幾度問

前丘

致祀江濱

江干遠祀答神功
聖主新恩九域同
已幸長波平巨浪
寧忘徧野集飛鴻
流移望冷眉山月
耕鑿思吹黍谷風
疾苦殊方今尚劇
亟旌廉吏拯民恫

獨酌東銓翰葵石玉立兩弟

冷桂新香晚向人
疎燈醉倚問閒身
銓曹聲價原名鏡
供奉文章故有神
博學多君稱小陸
無

才獨我愧三陳西風一夜連床夢不禁題詩遣
慰頻

李二公年兄自京師見訪扇頭有玉立弟
詩以春明門內卽村居爲題依韻和贈
春明門內卽村居楊子雲亭好著書雨後藝花
泉釀熟林中覓句世情疎青蓮久屬同心友綠
野忽來長者車敢謂陳蕃能下榻孤踪攜手話
樵漁

題夢園

鼓子城隅錦沙陌小築薜蘿有幽客白雲峯下
碧溪頭寂寞楊公高談宅半山半市儘避喧一
詩一酒一卷石松風拂簷石床靜竹籬短垣追
陶令綠陰繞屋蕺苗衣清吟長嘯世無競浮雲
一片任暮朝月夜虛窓參斗橫逸踪願作鹿裘
人支頤冷眼向簪紳閑把道書尋丹訣絕勝長
安涸緇塵山中鎮日數棋局那知仕路已巖新
惟此清風穆木閱今古醉倒殘花臥湘浦有時
蕉葉代箋題湖光鳥語紛捐組歸來不用買山

錢披襟烟月常作主吾將爲先生願冥鴻之孤
高且願書左徒之離騷朝搴木蘭夕宿莽英雄
咄咄笑蓬蒿倦來枕上日高睡歡歌慷慨震雲
濤君不見功成已從赤松翔五湖早有大夫航
世上浮名真糝糠兼葭伊人天一方

贈于世丈

金山孤挿鬱籠葱瘦嶺高峯獨有公不須陶潛
賦歸去一丘一瓢伴烟樹富貴見軒安足論志
切湖海踏崑崙雲物蒼茫堪深隱著書時闔陸

羽門羨君丹素常滿案含咀應劉霞色爛兼之
學道陋世塋穆穆孝友相蟬聯元將洵可號鳳
毛一經競道韋公高草堂知己惟林山怡然自
覺心事閒絳縣安識幾甲子今來但有冰霜顏
俛仰人世易彫朽北固江濤在牕牖隱侯自是
足千秋傲吏可把洪崖手慕君之德爲君歌雨
壑風湍付綠簑何用勞勞萬金產桓典稽古澤
正遠

春日過栢棠別墅

偶過西郊日海棠紅欲燃里門仍故榜茅屋枕
寒泉小飲花堪醉慵遊草借眠山中饒樂事歸
路眺晴烟

秋日過賈氏別業

曾傳韋杜曲林水復燕京北關雲中近西山雨
後清蕩家烟火集一榻薜蘿盟好飲宜城酒高
歌把菊英

近喧成遠築虛閣草塘連窓度雲間鳥池看水
際天明霞灑剝瀟高柳冒晴烟山簡情何似臨

風憶昔賢

秋夜

雨餘眠不得支枕伴銀缸夜靜天多籟雲移月
入窓愁聞秋瑟瑟難看鴈雙雙搔首萍踪外雄
心應自降

茅堂

茅堂成小築車馬不知喧醉月花盈珮歸舟子
候門客來談稼穡身健益盤飧巾履無拘束婆
娑染酒痕

野望

芳草垂楊岸茅茨十數家
小橋環綠水遠岫映紅霞
入坐花迎笑開樽酒任賒
夕陽烟景碧漁艇出蒹葭

睡起

睡起渾無賴窮愁名事闌
雲窺虛牖靜風入小床寒
拙宦餘三徑浮名悔一官
早知農圃好長嘯向烟巒

舟泛

春日寒郊泛小艇
筆床茶竈足生涯
池環晉代陶公柳
畦種青門邵子瓜
明月迎人歸秀浦
開鴈傍岸睡晴沙
一聲遠笛因風至
不減山陰處士家

月坐感懷

雨後蟾光上碧梧
深沉院落一輪孤
隔年歲月疑今古
往日親知半有無
興至愛尋高士傳
愁來頻檢白雲圖
中宵萬感尋常集
把酒還思唾壺

花朝獨飲時有作吳儻和以洞簫者

寒紅初綻報花朝
書卷茶爐樂事饒
檻密不教風暗妬
臺虛如向月相招
吳兒飲佐停雲曲
秦女聲傳舞鳳簫
可許春光容易過
十年已醒夢中焦

入直西苑

面向樓臺傍水濱
雨餘爽氣入簾新
鄧邊度馬勤中使
殿角攤書集侍臣
白鷺晴驕潁洛青
山翠滴遠依人
湖光明月渾同色
攜手天階望

紫宸

夏夜和李二公年兄韻

高臺獨倚晚涼生，坐待虛窓月影橫。
一片寒水消暑，數聲遠笛見孤鴻。
書快讀吟還註蝶，夢驚回起更行天。
際閒雲多變幻，青山如畫好同盟。

雨中嘯雲樓卽事

小雨淙淙入曉涼，樓前老柏正青蒼。
結籬儘足安羊仲，閉戶何須問鄭莊。
書卷梧桐霑細潤，窓

紗茉莉送餘香平生最愛尋幽處瓦鉢松醪興
欲狂

王父宮

和王立弟恒山古蹟
三十韻 選十七首

依稀城闕綠烟中王父荒壇落晚虹過眼豪華
霜月冷常聞野老說遺宮

韓河

綠波遙望接恒峯曲折東來走蜃龍形勝千年
蟠地極泉聲細瀉間疎鍾

齊中竹

碧影參差蔭北窓輕風搖曳響淙淙子猷載酒
堪乘興疑在湘江與漢江

常山祠

孤城獨守捍危時千載忠肝繞烈祠北岳山靈
增氣色至今名紀太常旗

望諸君

齊城七十盡來歸卽墨猶存是耶非霸業未成
時勢異英魂常逐野磷飛

西郊水村

綠柳芳塘野外居
疎籬環繞盡芙蓉
秋來策杖平橋望
稚子雙雙戲釣魚

諸福屯

郊居樹隱景堪圖
不數陶家柳五株
好祝東皇施灌溉
今來風雨妬花無

千秋臺

赤符帝子渡河來
貔虎千群拜上臺
何事播遷今古恨
白蘋黯淡向秋開

大茂山

大茂山中落照照紫烟堆裏牧樵群秋深霜樹
飛紅葉候鴈寒鴉噪暮雲

燕婆亭

漢家故事可重論帝子難忘一飯恩盛世風雲
良不偶燕婆千載表荒村

北岳祠

岳廟嵯峨草木寒諸峯羅列似千官何年太祝
陳牲幣片片秋雲護石壇

尉陀

尉陀荒壠鳥緡蠻宿草芊芊滿故山南越子孫
今在否鄉心應望白雲還

冶河

冶河蘆岸打魚船醉酒烹鮮煮野泉莫道山翁
無樂事鳥聲巧囀蓼花天

趙陵

高丘石馬接烟霄往歲秦事已銷草樹秋深
迷客逕陰陰暮靄鎖清宵

太行山

衰草淒淒百戰場英雄棋局等弓亡
秋原漫上高峯望極目寒烟數鴈行

西郊水亭

清溪曲港小橋平繞岸荷花帶晚
杭雉堞遙分秋照冷澹烟和月急
砧聲

城河

芙蓉照水影鬢鬢十里橫橋帶曉
嵐秋淨漁舟紅蓼岸鮮鱗紫茭小
江南

小引

魏子曰昔嚴鄭公節制東西川爲少陵卜築浣
花元戎小隊日相過從有政簡移風速詩清立
意新之誦韓魏公留守魏博愛唐人梨花白雪
之句搆雪香亭種梨萬樹偕都人士觴詠其下
至文潞公猶追踵其盛賦詩勒石風流韻事非
功業軼倫者未易以播揚今古也瀋陽范先生
際

國家統一之時承大師相世篤忠貞出撫兩浙

公餘與二介弟聯詠一堂今讀其詩如電霽雲
停喜化工也行田東郡勤民事也當湖桂山嘉
同志也釣臺秋夜懷隱淪也聞砧香杵哀婦織
也洞宮寺壁之千方外紫驪冬獵之及禽獸吳
越詞林侈爲美談手抄且百相續心一孔觀察
從金臺來授余一帙方謀剞劂適聞有總制吾
閩之命兩浙父老制詞攀留至動
宸聽余引手加額曰公雖未蒞閩視事乎觀其
所以撫浙則知其所以制閩也觀浙民之所以

愛戴不忍其去則知閩民之所以跋足而歌來
暮也余歷覽江湖停輪京邸恨不能遽返柴門
以竹馬迎公道左其所以沾沾色喜者凡以爲
閩也蓋閩素重風雅晉安一派與歷下竟陵鼎
足而立嗣海烽不靖古調榛蕪騷人韻士未獲
所宗得公往而憑高以呼山川皆振是天猶欲
存晉安風雅而不忍終聽其湮沒于荒烟蔓草
間夫非金崎石竺鼓吹休明之一會哉余恐鄭
魏二公不克專美于前矣故因次公詩而不勝

望幸焉

百名家詩選

福清魏 憲惟度輯選

曲阜孔胤樾心一 嘉善孫 錄古厚

閩縣金 鏡陟三 莆田陳 偉蘭涯 叅

范承謨 號號公瀋陽人

平谷十六夜泛月翌日郭子返都

清光猶勝昨皎皎
皎皎前溪對此仍
圓夜翻憐欲
缺時櫓聲秋外咽
離緒酒前迷
獨有漁陽雁
終隨北斗飛

東臯泛月

村童曳小艇橫直復傾欹
沼面風初定厓陰月故遲
柳烟酣鳥夢水色浸人衣
歸臥東窓曉乾坤一息機

浙東諸郡道中作

最愛名山未得遊已見名山未許住
牛車拖過錢塘湖馬首帶來銀鬐露
禹陵一拜便登舟天姥纔瞻却回步
天台雁蕩雨初深華頂石梁寒欲暮
腳底低窺望海尖耳根平洗飛雲度
尋徑

攀藤虎豹驚衝潭擊櫂蛟龍怒灘急山腰響白
雲林深谷口迷紅霧汗雨不離三伏天蠟屐已
穿八千路何時重到玉峰頭笑共仙人搏白兔
永平秋夜釣臺汎月

極望知流盡輕舟岸岸移恰迴叢樹後已在小
橋西星動魚燈亂天寒雁陣低隱淪何處覓此
地有葵齊

聞砧曲

香杵紋砧素練稠深閨少婦迴生愁敲落天邊

一片秋雲亦隨之墜不流金微鐵嶺路縹忽安
得乘風跨玉蚪

衙回雹霽有作

天隘鬱初極停雲忽報秋乍來雙闕動紛迸百
林愁星月驚相見炎涼寂自收化工何意緒倉
卒動神謀

孟秋望夜偶作

嘯罷復長嘯明河天外明雁飛雲影薄螢墜葉
悄輕歲歲隨星變愁愁逐病生何如烏夢穩砧

杵自秋清

冬獵篇

朔氣森冽天地愁眉巒微夜電光流捲書拭劍
水盈溝呵手敲冰飲紫驕曉霜光裏寒凝目四
野垂天星陸續初日沈沈上大荒高旗歷歷翻
山出黃雲慘壓隆隆健兒舒臂鳴弰弓弦迸
風高天色酸馬蹄蹀躞地響聲乾癡鷹忽怒犬跳
躑飛走羽毛無一完獸急人忙各顛倒血肉淋
漓灣枯草倉皇虎豹出林鸞按轡拈弓閒更好

卷之二十一
五
柔徒峻嶒後且前鋒鏑參差明復鮮古人蒐苗
獮狩皆寓武一生一殺寧徒然孔子釣弋亦獵
較湯雖一面之網仁心豈能全

偶占

柳眼纔舒笑欲顰風吹頭上拂愁人愁人正似
風前柳辜負清光三月春

秋後雨止師時中自浙歸偶作

時家兄在浙

相看都未了不語轉愁生雨葉階前暗風燈壁
上明有情惟密友無夢只疎更爲倩雲中月遙

傳其堅情

行田紀懷

庚戌夏五余以行田按泰順吏民咸謂
古無有使節至此者因覽夏生所獻詩
遂用其韻

單車瘴嶺驅中夏千里炎荒度夕陽自是先公
期後樂却緣聖主視如傷
幃帷戴雨行泥隴
使節馳星破曉光
每值道塗全梗塞
忍看比屋半流亡
芻蕘幸不煩民力
糗糒何妨亦自將
我

黍漫言嘗旨否吾民久未厭糝糠雁鴻欲集聲
先明鳩鵲相逢色已愴草澤三空寧類漢桑林
上事却同商瘡仍無肉何由補繭已窮絲不及
恒滿地榛蕪成草昧稽天崩潰竟洪荒老翁行
役悲溝瘠寡婦誅求哭路旁聞道使君生化虎
更傳令史共爲狼埋輪已誓從都候叱馭誰能
畏太行飢溺只今寧幹止澄清於此慰懷壑敢
云善政能匡植豈爲虛名起激揚但使鞠躬臣
貌瘦寸心聊以報吾皇

因畧南嶽遂至洞霄宮偶爾題壁

諸峰平布碧嶙峋玉井蓮花擁紫宸未到已疑
仙佛地重來翻愧宰官身偶尋大滌穿黃竹爲
訪樓真被翠茵忠定紫陽提舉處江東閒殺老
謀臣

辛亥春行山海鹽駐寓張諫議涉園畱貽
主人

精衛銜石東南決女媧煉石西北缺神聖千古
無完功高人心與造化同海鹽南部鮮原上萬

畝桑麻平似掌其間十畝有羣松怪石轟騰夔
罔兩借問此中居者誰張公昔歲長安歸補天
隻手用不盡聊於丘壑開崔嵬平地千峰水百
曲隨意植梅兼蒔竹松雲梅雪竹烟間又綴紅
桃環柳綠亭榭離奇皆自然小橋仄徑偏宜偏
諸峰四面各相看曲室幽窓時見焉中有一峰
特高聳東望海濤如雪涌天水平吞日夜愁星
辰市踏參差動我自生平最好奇一聞名勝竟
居之未問主人先看竹不嫌滂壁狂題詩二月

春風花正好行車東出嘉禾道百萬蒼生爲去
年桑田變海無青草天氣雖春民物秋長民物
者能無憂何當大補東南缺須知精衛難爲謀
主人又復出山去定寫流民進朝宁猿鶴今遺
三徑空却使忤人等閒住張公張公天下豪不
隱山林隱市朝補袞望君畱北闕挂冠吾欲返
東阜

春郊口號

數椽茅屋綠烟低幾樹桃花絳雪迷爲買村醪

無覓處蠻姬指說小橋西

桂山堂爲平湖陸侍御作

當湖十里清溪曲百道寒流界棋局中有山堂
叢桂中環籬一邑皆修竹有竹何可無主人主
人名字清且芬玉階仙仗爲香吏金粟如來是
後身昔年袖裏明光草屈在天潢肅馳道天
子留心與趙堯諸侯落膽愁溫造歸來日在山
中堂淮南叢桂全無香秋風萬里九霄碧坐看
繁花如霧黃昏之東行正春莫營田日走湖橋

路主人爲我破蒼苔相攜直到林深處時當往
丹花盛開臨池尚有九英梅小橋箕踞坐相得
鬚眉照水無塵埃更有樓前數株梓木中之王
樹之子精神能獨護羣花惡風暴雨難驅使我
聞太丘功德多譬如桂樹泰山阿君家世代有
雙璧元方季方今如何在昔名園洛陽郡一盛
一衰開世運宣力之餘樂未央况逢聖世如
堯舜匆匆歸去心交加回首林泉隔紫霞爲約
清秋白露後乘風來看黃金花

泉公亭僧舍題壁

三月春光滌碧山
恰來花發又花殘
忙中歲月
驅馳盡海上風雲
指顧間杜老漫吟
歸馬逸莊
生徒羨白鷗還
茺菴一宿仍早溼
未許浮生半
日間

蔣承斌

字允公 瀋陽人

乙巳八月送友人還山

砧聲將落葉
淅淅動寒幃
秋色來何處
故人今日歸
遠山孤樹小
隔水數鴻飛
却羨君兄弟
舟

中話翠微

郭快楚太史齋聯有愛菊能將酒醉花之
句足成近體

黃葉翻飛秋易老
烟凝小院煮山茶
尋閒只把詩消日
愛菊能將酒醉花
疎樹耽霜寒有色
嬾雲渡水去無家
閒情滿眼空園靜
獨倚西風落日斜

讀陶淵明桃花源記

武陵春色艷春霞
武陵漁子泛輕槎
緣溪一路

聞啼鳥盡日無人見
落花落花片片低覆首把
釣船一棹走水盡林窮
又一山舍舟獨步入
山口舉頭忽見白雲生
白雲之外喧鷄狗青松
古柏有人家屋外清泉
半田畝柿中一見各相
驚鷄黍殷殷亦有情
但言秦亂初來此不足爲
人道姓名喪回數目尋
歸路春風歷亂桃花暮
可憐好月送人歸回首
空濛鎖烟樹

賦得亂山殘雪夜

燈火行來暮參差山路遙
寒侵孤舟小魂入野

痕消積素疑非夜空林似擁潮水漸驚路斷望
處有橫橋

秋夜懷友

悄然成獨坐坐久漏聲移秋雨秋風夜思君思
我時寒蟲催落葉宿鳥下高枝料得各無寐重
看贈別詩

白鵬

何處白鵬鳥雙雙弄素姿照潭清入影選樹玉
同枝見月豈無意因風若有思相憐不相損莫

恨羽毛奇

秋蘭

誰堪隨世賞空谷有餘清
衆草披三徑孤芳抱一莖
美人懷渺渺秋水澹盈盈
夜靜西園內相看體倍輕

擣衣篇

夜靜誰家砧杵聲秋風吹送滿江城
樓頭戍鼓行人斷露下梧桐月色輕
月色籠烟如織素長年離別看庭樹
夢中夜夜到漁陽誰憐未識門

前路門前有路無人歸聞道明年又合圍悄悄
幽魂傳素手斑斑紅淚寄征衣衣上痕君莫澣
滴淚人日日遠

除架

園霜一夜滿三徑露空扉春長青蛙子秋攜綠
葉歸寒蟲徒唧唧凍雀強飛飛幸得遺根固明
年依舊肥

夜甚寒曉復大風因憶家學士出獵未歸
賦以誌懷

朔風入戶覺衣單何處追飛興未闌弱弟但知
誇落鴈高年注意在彈冠鴈翻枯草寒生眼馬
驟荒陂低抱鞍獵罷休教吟苦瘦且須沽酒一
加餐

給諫汪北渚表兄以對影成三人命題戲
爲放歌

高人疾俗如疾仇有時愛月如愛酒披衣顧影
天宇空月色一庭酒一斗揮盃勸影影依依舉
觴酌月月在手我飲一盃影一盃峻嶒月色盃

中走天上人間我與君眼前之人吾何有勸君
痛把李白尊休教笑破淵明口

春閨怨

處處高樓絃管音樓邊繫馬柳陰深可憐郎去
留春色春色偏知傷妾心

夏閨怨

小雨涼生薄簾幽強同女伴繡紅榴相思不信
吳山遠拋却金鍼上翠樓

范承烈 字彥公濟陽人

乙巳八月送友人還山

八月西園月只今不共看三年依木榻一櫬自
江灘日澹蘆花淨舟輕楓葉寒到家兄及弟酬
勸有餘歡

九日菊下計友人去程

不敢思君路漫漫秋水長幾時歸舊縣今日是
重陽貧共漁家飯寒分楓岸霜櫓搖背指處應
念菊花黃

秋懷

秋色夜夜去秋雲日日生
蕭疎客我嬾寥落自多情
野水空天靜荒烟古樹平
憑闌望不極悽斷暮笳聲

秋杪過東臯百草就萎
盆菊獨茂欣賞永日爲賦短篇

東臯真勝地晚色益清幽
野水閒尋壑寒雲溼不流
黃花香小徑老樹帶高秋
對此歡無極因成盡日留

除架

人意同秋薄殘枝略弗存誰憐當漢落猶自戀
餘暄敗蘄歸空徑寒雲住滯幽物情應有極吾
欲竟無言

雪後偶成

山曉來檐際寒生萬嶺明歸雲爭遠岫霽色落
層城眼底濶如此人情覺可平莫言梅影瘦敢
向雪中橫

秋夜懷友

庭月明如水涼風盡入秋野花開徑小蟲響傍

人幽對此誰能遣
吾今始欲愁去年
今夕夜同爾在高樓

秋蘭

徑僻苔痕積
幽蘭傍石橋
移根來遼谷
叢露入詩瓢
春去誰爲艷
秋寒幸未凋
此時吾念爾
風雨更蕭蕭

郭快菴太史齋聯有愛菊能將酒醉花之句足成近體

落葉侵階日已斜
閒尋野史就窻紗
避人故以

屋依竹愛菊能將酒醉花栗里昔栽陶令柳青
門近種邵平瓜寒山幾點牛羊下老樹亭亭盡
暮鴉

讀陶淵明桃花源記

三月桃花花滿林漁舟隨水入山深片片飛花
浮綠水時時啼鳥弄春音參差遠近皆紅樹行
至山前疑有路舍舟獨步循山椒驚看處處皆
桑竹桑竹森森通去津有人來此爲逃秦山中
記曆無甲子閒看水葉識冬春仙源不受俗人

履歸去空勞誌遺址重來春水共春烟桃花亂
落如紅雨

搗衣篇

嗽嗽復嗽嗽秋草萎秋泥風喪空階柳條條折
向西西風日夜猛繡幕衣裳冷躑躅出房櫳月
落梧桐井梧桐落葉黃夫婿戍漁陽漁陽萬里
道畱妾在空房邊地風悲冽人言寒似鐵壯士
慣長征妾心愁欲絕不怨君不歸念君身上衣
含情方向石一雁帶霜飛

冬日卽事

只此成吾况那知冬已初凍雲凝遠岫寒雀啄
遺蔬夢破蕉中鹿巢殘書裏魚閒情聊自遣不
是愛狂疎

夜甚寒曉復大風因憶家學士出獵未歸
賦以誌懷

永夜寒無寐朝來冷倍生狂飈摧古木哀角帶
商聲獵馬馳何地荒烟橫暮城幾時圍校罷一
望野雲平

汪結諫北漢表兄以對影成三人命題戲

爲放歌

日暮雲收新度雨眼靜身閒少俗伍鄰磬初聞
坐未安檐花欲落人無語舉頭忽見月當空懷
抱縱橫失今古把盃對月舞且歌影隨月色紛
如縷人影月影分不開三人酬酢忘賓主我憶
古人禰正平吳江走筆賦鸚鵡大兒孔文舉小
兒楊德祖餘子碌碌何足數嗚呼餘子碌碌何
足數

春閨怨

誰言一刻是春宵
春夢難尋驛路遙
曉起閒行隨戲蝶
落紅無數點輕綃

雪

陰雲垂四野
朔氣障空霄
欄井迷銀葉
庭柯挂玉條
隨風輕入戶
落地漸平橋
對酒冰生腳
吾兄正射雕

白鵬

似爾文章亦可憐
毵毵白羽點輕烟
有時月照

雙棲影好傍先生五柳前

魏清源

林奇樟

後學魏敬一

吳學炯全較

陳天益

魏敬脩

小升

魏子曰余落拓不羈慕司馬相如之為人時作

馬相如之為人

時作

時作

萬里遊想以足不耐草屨出不能無友朋每以
資斧不充告罷間尋之于山川勝志當臥遊焉
去歲消夏衛源與內江張又益讌坐嘯臺論天
下名勝又益以蜀中山水驕余予以閩中山水
傲之雖一時興會頗足旗鼓相當而我肩積雪
玉壘浮雲終抱域外天涯之感近以補石翁之
役駐轡五鹿孔心一觀察忽枉車騎甚都吏捧

一帙至笑語予曰君欲爲蜀中遊乎此竟甫魏
先生宦劍南時一繪圖也黃牛白狗之奇錦江
鬻溪之麗問氣篤生如萇弘之血楊雄之字嚴
遵之易武侯之圖蘇眉山父子之文章卓文君
夫婦之漿酒皆可按詩而得之余讀之喜可知
也曰少陵入蜀詩乃益工竟甫其何以後先同
揆耶因壽諸梨棗與天下同好者共之

百家詩選

福清魏憲惟度輯選

曲阜孔胤樾心一平湖馬耀曾又輝

嘉善魏學渠子存華亭王頊齡顗士

叅

魏裔魯號竟甫栢鄉人

謁禹王廟

驅馬出城東悠悠涉涪水問君何所之言尋神
禹里石紐已千秋村名留遺址麻柳以爲牆沙
石以爲壘其中祀夏王儼然具冠履河洛著明

德因憶巢居子我來謁祠下恍惚若宛委山色
水聲中江流何徹耳舉目眺嶇嶇丹霞映山市
日暮揚孤帆舟漏防石齒回首望廟門歷歷猶
堪指近郭復徘徊流星疾如駛

孔明兄弟分仕三國

炎祚當衰微仕進宜擇主孫權爲漢賊曹瞞更
跋扈奸雄雖蓋世咄咄何足數武侯事躬耕忘
情在華鬪三顧意誠殷慷慨出衡宇矢志立中
興祁山表進取鞠躬期盡瘁誓死報君父惜哉

兄與弟富貴并感蠱璉也仕吳會誕也竊魏組
在魏指爲狗在吳號爲虎惟蜀稱猶龍二子竟
何補始信鴻鵠志不與燕雀伍

張晦先僉憲招飲馬頭寺

世人悲宦海徃徃如桎梏一落緇塵中誰能免
于俗吾鄉張簡使旌旄駐西蜀官閒無簿書訟
簡息刑獄朝夕惟閉門一編手自錄妙墨宗二
王詞藻噴珠玉處已最矜嚴接物破拘束相攜
出郭門執手棄幢纛時當二月天花開滿山足

細雨浥蘭芬。輕烟散柔綠。中厨辦豐餽。布幔圍
裯褥。欸我以深情。飲我以醺醪。下問無別詞。風
雅實所欲。自言訪林泉。緩步不加督。仰眺峰腰
雲。攬衣曳短褐。俯窺萬壑流。送照來相觸。躡屐
下層巖。茅屋已秉燭。冠蓋遍嶙峋。路險步躊躇。
松炬引前途。列星光如浴。歸來脫巾幘。淪茗消
煩酷。回想崆峒勝。歷歷猶堪數。幸有芝蘭交。風
雨話心曲。與君賦新詩。努力更相勸。

招飲

羈輶在龍城苦無尋樂處城西馬頭寺幽僻名
最著卜地旣高厰衲子亦淡素况近崑崙峯可
以恣閒步主人頗愛客笑語饒野趣筵前多層
巖出簾頻回顧烟騰結繁雲木高連雨足威威
寒烏啼燦燦知鷄羽感物發嘯歌媿無謝眺句
日暮走江聲擊枻中流渡歸來踏芒屨焚葭引
前路山深多虎踪霜月挂猿樹流雲拂行蓋涼
風吹荒戍人生百年間嘉會能幾聚爲樂當及
時歲月屈指度何時脫絳絁終戀南山霧

行路難

行路難城郭丘墟烟火寒千里不見人兩足任
蹣跚荒草山谷蔓豺虎道路繁峰高摩雁翩
曲隱蛇盤劍閣凌霄漢錦江遶琅玕朔風吹我
面婦子更衣單小市車馬稀竟日不獲餐南
窗有琴瑟胡不歸撫彈西閣有蘭蕙胡不恣笑
歡君不見上蔡黃犬成往事華亭鶴唳空辛酸
又不見阮瞻青眼人已殊世態反覆似波瀾吁
嗟今行路難

石仙人

外美五老麗內美三峯清天子不能臣長揖懷
叔卿從來但聞仙人掌誰知仙形在山嶼此仙
日採石上芝此仙日汲石泉煮食霞吸露駕蓬
萊歷盡風霜共寒暑青牛昔日過函關紫氣猶
潛存遺楮此仙何獨耳目泯屹立巖壑無一語
讀蘇子瞻婢春娘辭謝口號

黃州山水未遑屯拋却佳人無限春效死君前
爲歛衽空留騏驎控清塵

雲臺觀

滿天風雨自西來
白帝宮中紫霧開
皓首龍眉多羽客
恍疑身世在蓬萊

雨淋鈴

鑾輿出狩輟宮闈
棧閣鈴聲夜雨霏
寂寞昭陽誰奏曲
梨園盛業有張徽

入蜀

落落錦屏去江擁
夜雨飛山川多間阻
戎馬正重聞
隨月鳴鳶
篋巴雲捲
龍衣憑鞍一灑淚
壯

志未全違

扶風吊古

過里增悲愴白雲彌望賒千年良史筆一代老
臣家勲業開西域文章映太華蒼烟盤鳥道懷
古暫停車

馬道

削嶂通烟霧攀蘿曲徑捫銀沙走石壁雪浪激
雲根老樹垂松子寒溪長竹孫停驂郵舍晚愁
絕聽啼猿

陽平關

夕陽征客倦匹馬到關前
草舍依沙岸人烟散
野天雄峰雲外樹大壑雨中船
酒肆堪停駕醉來聽蜀腸

高村

翠壁圍茅屋蒼苔喧午鷄
猿林木嘯鳥雀薜蘿栖日烈
無人面山高困馬蹄攀緣
兇力擁俯視萬峰低

鴻門坂

在臨潼

英雄群逐鹿楚漢互交兵殺氣迷芳草陰風滿
故營留侯餘勝算亞父亦何成得失千年事荒
原野水平

步彭門友人韻

汴水桃花漲龍川蹀躞行三春禹穴雨六月雁
門霜杜宇搖江樹燕巢棲屋梁鄴南天際遠灑
淚草堂傍

新軒落成

爲愛庭前綠山光雨後烟杜鵑聲入座鸚鵡影

翻天松戶堪容勝，蓬門止數椽。空齋無一事，常誦少陵篇。

早行

昧旦披衣起，肩輿過鷺沙。鞭搖孤嶺月，劍帶遠山霞。小市青帘挂，空村黃犢遮。傷心埋騎足，病肺轉思家。

春詞

顰影半巖巖，凭虛四望窮。梅花含宿霧，柳色散輕風。牧馬沙汀裏，耕牛草澗中。邊城春日早，冰

泮下崆峒

夏詞

暑靜開軒坐孤峯落案前
鳴琴泉漱石曼上竹
猷烟渡口挑魚網
山家載酒船
葛衣五月捲清
景欲忘眠

秋詞

涼夜挑燈寂寒蛩入戶穿丹楓
吹夕照黃葉落
秋烟征雁翔雲表
哀猿泣樹顛
山深何用買沽
酒媿無錢

龍城

龍城居絕塞，堞雉半山中。
一線通松嶺，四圍盡雪宮。
香楠堅似矢，疎竹亂如蓬。
知己天涯少，烽烟泣斷鴻。

和楊子元見山堂閒居吟

日暮挑燈坐，忘憂興有餘。
故人千里至，知己五湖虛。
山鳥歸陰壑，秋蟬響敝廬。
羲皇頻破卷，活酒客顏舒。

投荒在絕域，俛望欲何之。
強酌葡萄酒，難吟白

雪詩桐風吹幔曉桂雨落堦遲園苑多豪客相
從曳杖藜

宿木蘆寺

崔嵬盤野徑古木噪鳴禽日暮僧依榻山空月
照林黃柑深院靜青橘曲堂陰炊火官厨冷羈
人午夜心

山行

山行常早起霜露一身多霞燦江籬菊煙飛塞
嶺蘿石根穿鼠窟樹杪挂蜂窩傾側依僮僕閒

吟發嘯歌

歸棹

朝來歸棹疾日出半江中兩岸懸青嶂孤帆落
綵虹山深微雨濕水濶晚風融前路逢明月懷
人思不窮

古城

殊方多沃壤此地屢豐年水碓春香稻堰田引
列泉老猿緣古木野鹿窺荒煙卜築深山峪人
家幾欲僊

古木

古木深山立蒼然一老翁朝餐溪畔水夕臥巖
頭風幹古凝繁露枝盤落斷虹笑啼均寂寞詎
與世情同

野馬壩

野壩無煙戶高巖結竹房數椽遮嶺雪一榻傍
山塬林密聞鷄唱溪深見雁行披裘猶向火午
夜聽寒蛩

白店道中

驅馬行山麓蒼茫偏白雲亂松穿石窟小徑入
江濱宦久思歸里民稀苦募軍勞勞巖壑裏回
首日光懸

泛舟明月渡

朔風吹短棹來訪古崆峒削壁層花塢奔流到
草宮人遊青嶂外影落碧波中浪跡如蓬轉高
歌醉晚楓

崆峒

簫竹通人徑蒼松帶野煙山留黃帝跡祠入夏

于川雲冷孤舟月風寒雙劍天日爲河朔飲宦
况頗悠然

和張晦先韻

崑崙春色早臘盡已飛花出郭開樽酒停舟聽
戍笳巖松餘積雪溪竹帶晴沙宴賞殊方劇狂
歌興愈賒

固關

崔嵬固關路雙峰插半天旗開千嶂雨甲洗萬
溪泉鐵壁攢雲雉銀沙走練川隔山分晉趙匹

馬晚風前

過汴梁贈別錢太守

彭門握手氣氤氲今日重逢日色懸
洛下青雲知已在筵前白雪故人分
登高作賦推枚乘問字探奇憶子雲
千里鶯花梁苑早臨風把酒細論文

潁川治績豈能侔吟嘯還思放鶴遊
話別漫歌鸚鵡賦談心共羨鳳凰樓
玉津煙雨春方到劍閣寒雲雪未收
太守風流推獨步中原吏隱屬

君侯

登華山

蜿蜒一逕躡崢嶸納履山來鳥道行霧市跨驢
迎絳節仙龕藏馬映霓旗山腰石室煙霞滿天
半醴泉檜柏清何日辭榮吹玉笛雲臺辟穀學
長生

咫尺天門賦壯游遙瞻函谷拱神州足懸雷電
飛丹壑手摘星辰控玉樓千丈虬松雲外迴三
峰積雪峪中收黃河明滅崑崙下奔走龍沙到

海流

西嶽毓靈傳往代連峰截衆鎮金天玄猿夜泣
千巖雨白雁朝飛萬壑煙坐看斗坪依嶺外臥
聽瀑布響簷前蓮花頂上仙人洞老樹凌風拂
座絃

朶朶蓮峰氣象舒千年靈跡歷居諸瑤臺常納
高人屐洞府時開隱士廬烏傍丹爐飛紫霧雲
封藥灶落青瀦空濛萬里寒光邈兀坐幽巖讀
道書

咸陽懷古

暮雲靄靄落沙洲
千里孤征此地休
渭水波清
遠紫霄阿房灰燼接青疇
楚歌已散干戈氣
漢室空悲黍稷秋
話到泥丸真足耻
古今天險有誰留

三班故里

班氏才名異代雄
我今憑吊過扶風
孤墳半落
荒山外甲第全湮蔓
草中漢苑三千餘
斷碣秦臺十二臥
長楓當年城闕雖非舊
大業豐功紀

故宮

述懷

官舍蕭條冷故宮，攜家今向萬山中。
年來詩史情偏劇，老去江湖氣尚雄。
五月披裘霜露冷，三春憂旱黍禾空。
荒城妻子多饑餒，羌笛愁聽塞外風。

回憶西安

客況淹留道路迂，花飛三月醉醺醺。
上林春漲明寒鷺，司竹晴煙過野鳬。
李耳青牛沉紫霧，馬

融絳帳半平蕪微官絕域真如夢細雨疎燈涕
淚枯

吹落寒雲萬樹屯幾家煙火到關門青山蒼鬱
連霄淡白水微茫遠澗村溪畔種樽琴韻冷堦
前蔣徑竹聲喧褰衣直躡秦川嶺欲向龍州學
漆園

古龍州

龍州古地已荒唐鶴唳猿啼竄野狼萬嶺樵歌
歸遠浦一帆漁唱掛斜陽林深茅屋青山合谿

峻寒流白艸傍學士當年曾嘯月殘碑猶在水
中央

草舍青青草薜蘿荆葵滿眼鬢毛皤蒼崖縮地
荒煙亂雪浪翻天秋雨多學士風流吟皎月騷
人游泳醉鯨波感時欲下西川淚燕市誰爲擊
筑歌

過江油吊太白草堂

太白當年去不回孤筇草屨獨徘徊風吹舊浦
春花落月照空江秋雨催遺址尚看留蜀道殘

碑今更冷秦灰荒城我過思
芻牧仰視遙天靡影來

送虎都司之任南康

江上烽煙傍海隈將軍錫命自天開
霓旌霧捲松藩雨鐵騎風生彭蠡雷
五老峰前雙鴈落孤帆影外一麾來
太平天子專征日虎竹寧慙頗牧才

江油道中

蕭條城社幾滄桑倦馬行來過草堂
怪石峻峭

飛劍戟驚濤澎湃捲冰霜離離禾黍人煙寂鬱
鬱松筠小市荒門外江聲喧客夢孤燈煙寺照
空牀

述懷

五載彭城又蜀遊龍沙洲敞舊羊裘風吹峽雪
乾坤小浪捲巴雲日月浮人影一溪歸晚棹天
光萬壑落初秋狂奴故態難宜俗懶向金門待
詔留

閬中城南綵舟宴集和楊猶龍方伯韻

聞中巖壑四圍清
意分攀躋賓主情
玉壘煙霞飛鳥度
錦川風雨漾鷗明
城邊畫舫惟藏酒
世上波濤只忌名
滿座夔龍期共醉
歸田他日閱春耕

龍州立秋遇雨

淅瀝風雷過禹門
峰巒瀑布遍沙村
半天草木山光映
一葉梧桐雨氣翻
雪石吹波侵古洞
長鯨鼓浪落新痕
邊陲雁影何時至
日暮秋蟬樹杪喧

龍城晏歲

塞上花飛滿徑橫
春光繚繞度邊城
門穿薜荔朝煙靜
戶掩松楸夜雨清
魚浦東漸噴雪浪
牛山北峙見雲耕
蠶崖鐵騎圍難解
萬里橋邊意未平

折玉簪花送友

一官霧雨瘴煙身
猶幸幽芳可耐貧
顧影有情鶯作伴
向人無語月爲隣
數枝冷露添冰雪
一陣香風送玉人
素艷寒姿渾似我
羞將老眼對

秋旻

春雨課蔬

草閣柴扉山麓平
課蔬竟日只謀生
一樽哭世江湖淚
萬里逃名雨雪情
地界流沙隣絕塞
人居天末傍邊城
關山笛裏家園夢
永夜孤燈照月明

別成都魏子存宗兄

二月微寒柳色黃
啣杯天末雁離行
岷江載酒人隨馬
巫峽囊雲霧隱棠
一卷柳洲蓮社約
三

年龍渚草堂荒樽前共對成慷慨
放眼桃花客路長

入棧

春日花開曳杖藜飄零一劍萬峰低
無邊草色來燕趙不盡河流下楚齊
似黛遠山飛白鷺如煙弱柳落黃鸝
誰憐客子添憔悴久客龍沙狎鼓鼙

再過秦嶺

鐵崖霜壁俯青谿萬仞孤峰紫氣迷
砌石爲梯

開鳥徑緣松蓋屋待僧栖雲邊渭水舳舻亂天
外峭函車馬齊此日林蕪難再得他時回首憶
關西

韓信嶺

青山滿眼草離離碧血千年號野鴟烹狗已知
爲將日藏弓豈在假王時漢家負德忘三傑楚
國助高自六奇最美赤松能早計一身殉主古
今悲

藥師遇虬髯處

卷之二十一
靈石曾經跨蹇遊相逢杯酒話王侯從龍已拂
英雄志逐鹿偏能意氣投冷眼獨窺俠客面鬚
眉共識異人儔可憐茅店畱豪跡寂寞寒煙汾
水流

八居詩次魏惟度韻

山居

十丈丹梯百尺溪綠楊村在衆峰西松門日煖
眠花鴨蘚徑雲深護竹鷄捲幔遠山青未了攜
觴嫩草碧初齊幽居最喜無塵事時有春禽隔

樹啼

巖居

龜雋天開傍柳溪
誅茅近向瀑泉西
草堂醉客青霞酒
藥塢占晴碧樹鷄
乞竹漸看幽徑滿
分花新共短欄齊
閒來盡日唯孤坐
谷口無人鳥自啼

樓居

千章喬木俯清溪
捲盡虹雉西天半
遠鷺輪塞雁雲中
雙舞玉樓鷄開簾
白雲斷人徑

目蒼烟九點齊若使洞簫吹月下鳳鶴應向碧梧啼

茅居

幽栖何必若耶溪茅屋新成似灊西老樹風寒喧野鳥短籬書靜過鄰鷄課耕迎喜桑麻熟除架新看芋栗齊畱得郊園遺俗在無家不效杜陵啼

鄮居

桃源曾識避秦溪大隱何妨近市西一逕紅深

藏吹大半窓綠暗寂鳴鸚忘機自覺心俱遠觀
化從知物可齊翻笑天津橋畔客無端更聽杜
鵑啼

船居

雨漲銀塘綠滿溪蘭橈還指畫橋西風輕斜舞
飛飛燕樹遠時聽啞啞鷄領畧閒情烟樹迥平
分幽景水雲齊浮家願學鴟夷子一任春林謝
豹啼

水居

別開池館枕廻溪，一水潏洄繞澗西。
徑曲幾迷秋苑鹿，窓虛暗度竹林鷄。
閒憑小閣清輝集，靜對連漪積翠齊。
却望秋江猶可涉，芙蓉採罷聽蛩啼。

村居

白沙翠竹遶幽溪，十畝閒閒負郭西。
野渡遠看船載馬，夕陽斜照屋棲鷄。
風翻繡陌松筠急，雨過平疇麥浪齊。
絕喜爲農堪寄老，桑麻深處少鴻啼。